

Chwilio am enw ar gyfer ysgol newydd



Croesawir awgrymiadau ar gyfer enwi'r Ysgol cyfrwng Cymraeg newydd sydd am gael ei hadeiladu yn Hwlfordd.

Mae Corff Llywodraethu Dros Dro'r ysgol yn gofyn i ddisgyblion, rhieni a phobl o'r gymuned ehangach gynnig eu syniadau ar beth y dylai'r ysgol newydd gael ei henwi.

Lleolir yr ysgol ar Withybush Road.

Cyfarfu'r Corff Llywodraethu Dros Dro am y tro cyntaf yn ddiweddar i drafod nifer o faterion sy'n ofynnol er mwyn sefydlu'r ysgol newydd a fydd yn agor ym mis Medi 2018.

Bydd yr ysgol yn darparu addysg i blant sy'n mynychu'r Cylch Meithrin, 45 o ddisgyblion yn yr uned blyneddoddd cynnar, darpariaeth ar gyfer 315 o ddisgyblion cynradd a 600 o ddisgyblion uwchradd.

"Rydym wedi trafod nifer o faterion yn ymwneud â'r ysgol megis proses penodi'r Pennaeth a chytuno ar enw ar gyfer yr ysgol newydd," meddai Tegryn Jones, Cadeirydd y Corff Llywodraethu Dros Dro.

"Bydd yr ysgol newydd yn gwasanaethu ardal sylweddol o Sir Benfro a bydd yn darparu amgylchedd modern, ffres a deinamig i ddisgyblion trwy gyfrwng y Gymraeg, ac rydym yn chwilio am enw sy'n adlewyrchu hynny.

"Felly rydym yn gofyn i'r gymuned ehangach gynnig awgrymiadau ar beth i'w galw.

"Yna byddwn yn llunio rhestr fer ar gyfer ymgynghori pellach cyn cyhoeddi'r enw a ffeirir."

Dylid cyflwyno awgrymiadau erbyn Dydd Gwener 15 Medi 2017 drwy e-bostio Admin.glancloddau@pembrokeshire.gov.uk.

Pennawd

Delwedd o'r ysgol cyfrwng Cymraeg a gynlluniwyd yn Hwlfordd.